

序

茲政之道在務其大者遠者今以十數卷之書而攷  
非別置索紀風土表勲德旌善良周一邑之廣傳  
千百世之久後之人俯仰山川低徊人物於以觀感  
而興起焉非其大且遠者與章邱在昔為陽耶其地  
最廣自唐以至元明稍稍割入他邑然從橫尚二百  
餘里田賦人民號為繁劇縣志之可攷者前明宏治  
壬子作於陸君里一修於正德癸酉呂君秉彝再修  
於嘉靖丁酉祝君文冕萬歷丙申董君復亨重加編

章邱縣志

卷首序

一

次為善本至 本朝康熙辛未鍾君運泰修之乾隆  
乙亥張君萬青修之迄今又七十餘載矣其間若建  
置若賦役若職官選舉若仕績文苑或公牘可據或  
家傳可徵而窮閭曲巷中以孝友節義見稱一時其  
子若孫不能具以聞者何可勝數官斯土者不以時  
訪問搜揚聽其年湮世遠名氏泯滅而弗彰是豈為  
政之道哉先是邑人馬君紹援議及修志之舉經費  
弗集而止余曰此有司之責也姑少待我余以道光  
元年辛巳任章邱戊子再任先後八載於茲時和年  
豐庶事粗理念此舉不容緩因捐金為邑人士倡設

館局延采訪廣咨博詢歸於核實壬辰秋余妻九子

曹庶常霖堅乞假歸過余治余留之編纂凡三閱月

而畧備癸巳秋又兩閱月而書成周官外史掌四方

之志志之由來舊矣抑余更有望焉者治道以正人

心厚風俗為本而人心風俗以興仁興讓睦婣任恤

為先章邱為濟南大邑人文蔚起科第相望比年以

來獄訟少息民氣蒸蒸向善爰舉窮閭曲巷匹夫匹

婦之孝友節義可稱者臚而登諸書覽是書者其亦

知所以觀感而興起也夫道光十三年歲在癸巳冬

十有一月

章邱縣志

卷首序

二

勅授文林郎知章邱縣事加五級歸安吳璋序

章邱縣志

序

章邱令尹吳公子姑之夫也官山左已三十載初為  
澤縣單縣令

今上

御極之年宰章邱中間權高唐朝城戊子復任章邱  
為濟南劇邑夙號難治令尹至晝夜勤案牘外嚴明  
中慈惠遇有訟輒片言決之百姓帖然服為政不苛  
饒吏胥亦毋能售其術禱雨雨應祈霽霽應軫獄囚  
恤孤貧繕祠宇置義冢凡有裨於民者鉅細必行如  
是者先後八年境內大治令尹曰邑之有志非直備

章邱縣志

卷首 序

文獻抑以闢發幽潛鼓舞風化也亟宜修於是出俸  
錢千緡為之倡邑士夫皆踴躍從事適予兩次假旋  
過令尹令尹委之修纂予也不才未足當斯任重以  
令尹命弗敢辭爰就所采輯者編次成書凡十有六  
卷邑人康君星齋有著述才山川古蹟二志其手摺  
也分野一册則李君元綱所推人物列女金石外編  
諸志則焦君以蒞及其門人陳子溼之力為多音朱  
羅願自序所作新安志以為儒者之書具有深旨不  
同記簿善哉言乎為吏者日役役簿書期會問語以  
風化之所繫政教之所在非惟不知亦不暇令尹至

一邑一邑治至劇邑劇邑治將欲樹之風聲崇節廉  
悼孝弟講忠信優而游之使自得之庶幾臻上理焉  
此則令尹之微旨也志乘云平哉

賜同進士出身刑部主事前翰林院庶吉士吳縣曹霖堅

序

章邱縣志

卷首 序

二

章邱縣志

總纂

章邱縣知縣 縣監 安吳 璋

纂修

刑部主事 前翰林院庶吉士 吳縣 曹林堅

協纂

章邱縣教諭 諭福山 王繩矩

章邱縣訓導 導蘭山 宋開葵

章邱縣丞 丞丹徒 袁淦

章邱縣典史 史大興 席湘

章邱縣志

卷首 修志姓氏

一

分纂

翰林院庶吉士 邑人 焦友麟

辛巳科舉人 候選教諭 邑人 高汝梅

癸酉科拔貢 候選教諭 邑人 吳連尉

廩貢 生邑人 焦以莊

廩生 邑人 李元細

附生 邑人 陳澄

采訪

辛巳科舉 邑人 鄭芳蘭

辛卯科舉 邑人 楊開運

原

生邑人 韓修文

原

生邑人 張應昕

原

生邑人 趙廣運

附

生邑人 孟傳鑄

監

生邑人 南崇齡

監

生邑人 鄭思遠

監

生邑人 李秉書

監

邑人 李鴻章

監

邑人 張東銘

監

邑人 石振昌

章邱縣志

卷首 修志姓氏

二

校勘

候

選

知

州邑人 馬鑑

歲

貢

生邑人 馮錦

附

生邑人 徐文始

附

生邑人 康允藻

附

生邑人 康承謨

附

監

邑人 王保煦

附

監

邑人 孫敬止

附

監

邑人 游殿元

附

監

邑人 王福榮

章耶縣志

目錄

卷首

凡例

舊序

舊志纂修姓氏附

分野圖

疆域圖

五城池圖

一縣治圖

一學宮圖

卷一

星野志

分野

沿革

疆域

鄉鎮

物產

災

祥

卷二

章耶縣志

卷首

目錄

一

建置志

城池

學校

公廨

倉廩

汎鋪

橋

梁坊表

壇廟

寺觀

卷三

山水考

八景附

續增四景附

卷四

古蹟考

墳墓附

卷五

賦役志

人丁

田賦

起運

留支

鹽課

蠲

賑

卷六

禮俗志

朝賀

秩祀

典禮

風俗

卷七

職官表

卷八

選舉表

官階附

封蔭附

卷九

名宦志

章耶縣志

卷首

目錄

二

卷十

人物志

上

鄉賢

忠節

孝友

文苑

卷十一

人物志

下

仕績

義行

隱逸

藝術

耆壽

流

寓方外

卷十二

列女志

節婦

烈婦

烈女

貞婦

孝婦

孝

女 義婢 才女 壽婦

卷十三

藝文志

書目 記序 傳論 辯議 表

釋言 賦 歌 詩

卷十四

金石錄 金石雜綴附 金石志餘附

卷十五

佚事志

卷十六

章邱縣志

卷首 目錄

三

外編 補遺

卷末

跋捐刻姓氏附 修城捐伙姓氏附

章邱縣志

凡例

一志乘體貴詳覈前志如名宦祠共十九主而見人物志者僅十六人至按察司僉事錢宏等主禮樂志亦一概不載鄉賢祠共二十六主而見人物志者僅十九人韓之俊主題工部而選舉作戶部甯光先主題貴州道而選舉作四川道甯氏族譜則係巡按直隸選舉志以李椿之祖李進列入元代而人物志李椿反列於金或失之佚漏或失之踏駁其他謬誤處甚多今詳加攷核佚者補之舛者正之冗者芟之疑者闕之期有當於立言備異時之采擇云

章邱縣志

卷首 凡例

一

一山水為一邑形勢所關古蹟為歷代沿革所自前志簡畧太甚今別為山水古蹟二考覽與圖者庶幾瞭如指掌

一志之有表仍史體也前志獨職官用表殊與體例未協今作職官選舉表二不更作建置沿革表者所以省繁複也

一職官選舉前志於明代以上所載寥寥今備

攷史書及碑碣名氏有宜增者悉行增入尙或有遺則以俟後之博雅者

一前志人物於名氏下俱作雙行小字又職官

但應註籍貫出身選舉但應註科分官階而

前志職官如吳以長戴瑞以下諸人選舉如

牛元弼焦宏年以下諸人小註中附見事實

率爾摭錄未經檢點重加釐訂用合體裁

一表章懿行必論定而後可筆諸書除節婦貞

女及壽民之例合 旌表者其餘見存之人

概弗登錄志乘家通例也

章邱縣志

卷首 九例

二

一藝文有關一邑之形勝興革及闡揚風化者

甄錄之以備文獻其登臨眺覽諸作爲名流

手筆亦間采一二著於篇

一金石文字爲考據家所必詳卽爲志乘家所

必錄前志缺如茲則編輯成卷彙推所至搜

剔無遺藉以信今匪云博古

一外編所載皆本地人物所著述附彙一册以

符古人立言不朽之遺意而登選所及亦擇

其尤仍不敢賄誇多門靡之詞

舊序

明徐溥

濟南屬縣二十有六惟章邱爲大其田土肥饒其山水清美其士好文學而多取科第其民務耕織而能給租庸惟其縣地廣而事繁故爲令者每慎擇其人以往惟其人才長而任久故政令得行若不難治而常有餘力也陸君希遠出吾宜典以名進士爲令之三年公廉勤慎有循良之稱一旦以縣未有志暇日蒐撫事實託其同年楊儀制君謙修輯爲書君謙諾焉曰章邱吾鄉先哲范文正公讀書之地也敢有他辭歷數月而書完會希遠以考績至京師持以請序

章邱縣志

卷首 舊序

一

孔子曰夏禮吾能言之杞不足徵也殷禮吾能言之宋不足徵也文獻不足故也足則吾能徵之矣蓋文爲典籍典籍不足言禮者遂無所據其有係於國如此後之爲令者不知此意率以簿書爲急有能及典籍者乎今章邱自漢初爲國至于國朝殆千五百年其間雖分併不一固未嘗空其地而無人以宰之也然白金永安以前其人之姓名已莫能考况其餘哉此其非典籍之缺乎希遠誠慮及此不欲遺後人之歎乃惓惓焉留意不忘蓋賢令之用心也志凡四卷其條凡十二曰建置總論曰鄉鎮曰山水曰物產曰

貢賦戶口曰公宇曰祠宇曰邑令題名曰人物曰登用曰古蹟曰雜志若夫文詞之可傳者則列于事實之下不別爲條云

李東陽

予觀章邱縣志而歎曰是非希遠不作非君謙不能作也蓋其爲目十有二曰建置者自漢陽邱國以至爲縣爲州爲軍以復爲縣其時代年月皆書曰鄉鎮者自縣分鄉鄉所析爲鎮爲市其俗與產皆書曰山水者書其高山大川而又以嶺洞之類繫之山井泉之類繫之水曰物產者書田野山澤園圃民間之產

章邱縣志

卷首 舊序

二

各以類列而以雜產終之曰賦貢者書累年賦額繫以田畝戶口之數官吏設置之令轉輸之制曰公宇者自縣治及藩臬寺府之分司廟學堂室之建造修葺皆書陰陽醫學稅課僧道會之司亦書曰祠宇者有縣祀有學祀皆書附書而不廢者若民間之私祀及二教之祀曰縣令題名者其前莫能傳自金永安以後至國朝爲縣者名氏邑里科第履歷皆畧書而治狀之尤著者雖丞亦預曰人物者凡縣所產文儒武將謀臣節婦戰國而下各爲目以書舊志所載凡以子封者雖貴不錄在國朝舊所不載得數人而特

章邱縣志

卷首 舊序

三

書之曰登用者自洪武而後以紀年爲目進士鄉舉則詳繫以科歲貢則總繫以年又有例貢有類進則稍畧其年而註其名與籍惟進士於鄉貢不厭累書歲貢類進之貴且賢者書於人物不復累以本列而致者之右又虛其列以俟後人曰古蹟者漢以後考其爲侯封縣治遺墟故堞可指數者皆列書之而存其疑曰墳墓者元以前有名氏可識皆書而溯自上古若赫胥氏者亦存而不言曰亭館者金以後凡名勝所在節義事業所繫皆次第書之最後書館舍橋梁坊牌之屬凡事之碎細者曰雜志而凡前賢之著述故老之題識則各繫于本條之下不別爲卷云夫志史屬也今天下一統史惟朝廷有之志則通上下而不爲之禁故國志舉其略而府州縣志則各敘其詳綱目相維本末互見皆不可闕也世變歲易或闕而不具或具而不詳所謂府者尚不能爲完書而况縣乎東漢之初詔南陽撰作風俗故在魯有名德先賢之贊而不可復見矣章邱隸濟南府爲山東近地地方二百里民物阜盛文獻不乏承平豐豫之餘宜有以紀往牒示來裔而莫之及雖簿書之才法律之能殆無所遺重責然天下之爲是物者往往味其義

例雜取而苟作之適足爲政體之麗贅由是言之非  
惟不作而亦豈易作哉希遠之爲縣誠治體慎官守  
志優而力暇此志所由作而又得君謙以成之宜其  
作之善如此也後之觀者善君謙之志則將於希遠  
乎賢之亦豈特志中所載廉孝一二事而止哉希遠  
陸姓名里宜與人君謙楊姓名循吉吳人皆甲辰進  
士君謙以禮部主事致仕歸嘗道章邱居一月而去  
宏治壬子長至前一日

邊頁

宏治壬子陸子以楊子爲章邱志正德癸酉呂子修

章邱縣志

卷首 舊序

四

焉其邑之人曰劉子者告邊子曰楊子之爲志也其  
言曰山也水也與地之產也自上世以來未之有改  
焉爾也惟吏之善才之出其來也無窮焉欲歲歲而  
益之故虛焉以俟斯楊子之志亦陸子之志也而呂  
子修焉可無紀乎邊子曰作之非艱述之惟艱呂子  
之謂矣夫由呂子以上至于陸子也餘二十祀焉其  
尹也幾人也奚至于呂子而始修之也若有俟焉是  
呂子之賢也劉子曰呂子之賢也不止是蓋能使吾  
民富而有禮又崇吾城深吾墜盜至而民戢所不可  
無傳也於是邊子乃喟然曰祭法有言法施於民則

祀之能禦大菑則祀之嗚呼若呂子者可以祀矣故  
爲之述此焉劉子名樂呂子者名秉彝晉州人也

董復亨 邑令

章邱巖邑也舊蓋有志自楊君謙之志行而舊志廢  
矣君謙吳人有史才當宏治壬子以儀部郎投劾歸  
里而其同年友陸侯希遠敦請爲志浹月而成有徐  
文穆李文正序其後二十年餘爲正德癸酉呂侯性  
之續修有邊尚書序後又二十年餘爲嘉靖丁酉祝  
侯宗周續修卽今所板行者相傳出一學究手蕪累  
冗腐而君謙氏善本遂墮惡道所謂一解不如一解

章邱縣志

卷首 舊序

五

云今上癸巳冬余奉除書來令茲邑而邑中薦紳父  
老不量余之不文輒以志請余固謝且案牘旁午日  
逐逐道旁塵未暇也蓋又明年爲乙未秋民稍安余  
之拙更退食有餘晷而薦紳父老再申前請余遂不  
能回謝因乞得君謙原本一帙典則爾雅雅稱作者  
然覺其紀事微略弗致詳摛詞微質弗致文蓋是時  
風氣鬱屯士悉敦本尚實不甚馳騁於辭采以故卽  
負史才如君謙亦嘗有所蘊積不盡如其意所欲出  
然業已始有基矣於是折簡進三五老更于庭面相  
約曰志弗厭詳弗詳挂漏志弗厭文弗文惟鄙惟鄙

我爲政挂漏若爲政若爲我詳我爲若文務成一家  
言一洗六十陽秋之厄諸老更咸唯唯受約退月餘  
各具所聞見上之余乃乘衙齋之委蛇恣居恒之漁  
佃難椽燭摩愉糜刊削煩冗緣飾固陋蓋迄丙申夏  
纔能脫囊爲考八曰沿革曰建置曰星野曰山川曰  
祠宇曰古蹟曰災祥曰物產爲表三曰王侯曰官師  
曰選舉爲志四曰條編曰姓氏曰風土曰藝文爲列  
傳十二曰名宦曰人物曰國朝人物曰忠臣曰孝子  
曰義士曰文苑曰隱逸曰流寓曰列女曰仙釋曰奸  
雄而以雜錄終焉內藝文志六卷人物列傳二卷餘  
章邱縣志

卷首 書序

六

各一共三十四卷約十三萬言有奇殺青甫就客有  
過而詫余曰子知志乎夫志史也古今史家以龍門  
扶風爲嚆矢龍門之爲史記曰紹明世正易傳本詩  
書春秋禮樂之際扶風之爲漢書曰旁貫六經上下  
洽通吾視子沿革建置諸考不純爲地志郊祀志  
天官書貨殖傳吾視子王侯諸表不純爲年表月表  
百官人物表吾視子條編姓氏諸志不純爲平準書  
世家藝文志吾視子人物諸列傳不純爲伯夷屈原  
蕭曹等傳而閒雜出山海水經爾雅風俗通博物搜  
神等不根之書事離挂漏不離瓌雜河雒木樵不離

偶僂吾不知于易詩書春秋禮樂旁貫洽通之誼何  
似假令世挾龍門扶風令子子其靡耳余曰何哉書  
弗須蒼頡史籀要以載道畫弗須採微僉繇要以肖  
形史弗須龍門扶風要以紀事矧余所爲志也非史  
也稗官下里之私識非天祿石渠之實錄也吳歛巴  
姬而子樂之米紘疏越乎且余卽才謝墨兵博謝神  
緘然赫胥以來上下七千餘禩歷山而東方圖二百  
餘里而宦業鄉行土俗人情名山勝水高文大篇無  
不一展卷而瞭若觀火也龍門扶風余于何與倘亦  
堪以追邑人士日落月稀之嗟乎客奈何望余深也  
章邱縣志

卷首 書序

七

客乃大噱而退因次第其語置于志首  
國朝 鍾運泰 邑令  
從來一事之廢也非時莫舉一事之興也非時不成  
故不得其時雖河之圖洛之書終掩藏於名山大川  
沒沒焉已耳矧先哲之舊編具在前與之故轍猶存  
事爲政治風教所關可以闡發潛德督模當世者若  
視爲不急之務闕焉勿修負此昌時心滋怒矣康熙  
癸丑歲奉 詔修會典一統志并令天下修郡邑志  
潤色鴻猷黼黻文治甚盛舉也閒嘗稽之周禮掌邦  
國之志者有小史掌四方之志者有外史掌天下之

圖者又有職方氏志固由來尚矣官斯土任斯民者蓋可忽乎哉然其時或軍興旁午或旱澇頻仍或文獻無徵遂至因陋就簡抱闕守殘與南陔白華相等厄於時之不得爲良可慨也甲子仲春余奉命來尹是邦見山川之槩較勝東州人民田賦甲於他邑興教化養人材安民生厚風俗興除諸大事日切切於懷不遑寧處可謂勞薪矣乘間披讀舊志成於明萬歷丙申爲邑令董君復亨所編輯迄今九十餘年矣嘗私計曰今奉詔纂修邑志日煩上檄苟不乘時修輯則得其時而不行與不得其時而不行均爲

章邱縣志

卷首 清序

人

有識者請焉乎可顧簿書執掌百事繁興有志未逮每自愧怍庚午奉詔鑿本年田租余竊自喜曰邑志是修此其時矣因取舊志而卒業焉夫章大邑也九十餘年間所爲因革者幾何所爲舉墜者幾何所爲登仕進甘隱逝者幾何所爲慕賢豪表名節者又幾何倘任其殘闕蒐羅勿聞輿風問俗者將奚所咨而取哉因爲之考訂刪補終以邑務較繁襟期如蠅未暇脫稿也辛未春銳意以是書且徵之邑父老令廣搜遺軼以聞縱日不暇給終夜焚膏以繼列其爲編者九爲目者六十有三共一十二卷或仍其舊轍

或入其新增訛者正疑者闕條分縷析盡爲更定并延張國學鑿繪名山圖景勝一展卷問鱗鱗井井較舊志差有可觀爰選良工付剞劂自三月壬辰始事至六月乙未告成焉一切刊本工費余自捐俸構備繕紳父老不敢重煩緣守土者責也噫志也者祀其實不襲其文也余生不敏嘗讀他邑乘竊見鋪張粉飾言過其實心甚疑之余今輯是志言固不文覈求其實不制門第之私不徇子孫之請毋敢濫觴毋敢膠執玷此鉅典至若舊志刊載者輯自董君之手細讀詳釋雖時湮事遠獻老無存然考覈精嚴記傳勁

章邱縣志

卷首 舊序

九

峭彬彬乎質有其文矣余何敢贅詞焉但余之耳目未周校讐未當尚恐不無滲漏貽作者譏特因其時可爲而爲之稽古考今仰答 興朝之盛典云爾後之君子倘能乘時修舉踵事增華亦未始非政教之一端也因述其顛末如是夫是以知時之不可失也

焦毓棟 邑人

國家詔修一統志率檄取直省通志及郡邑志以爲徵而章邱自故明萬歷丙申中元城董侯重修邑志以來迄 今上御極之辛未垂百年矣舊板蠹蝕錯尚並所謂魯魚豕亥者亦顛亂漫滅殆無完理問奉

檄則以其蠹蝕錯簡者應之寒白而已文獻之闕未  
有甚於此時者也邑侯武林履安鍾公靜別庶政之  
暇愾然興歎曰是尚可埃之後來乎於是援據見聞  
閉閣操觚閱數月告成事而問余序於金門余知是  
役也稽古牒續新編捐俸付梓蓋一舉而三美備焉  
者也按章邑自秦漢分郡國而後爲陽邛爲管爲東  
朝陽爲獮爲頓邛爲高唐亭山臨濟地亦數更矣雖  
廣袤省割不一而天官地理如故也乃二千餘年非  
不官師濟濟求其實政可紀者若故明李嵩縣之築  
石城茅歸安之立條編張洋縣之義倉社學而外無

章邛縣志

卷首 舊序

十

紀焉以錢僉憲之賞泗拯溺尚在輶軒所經耳豈其  
冀黃不世出遂至千里一聖乎毋亦載筆無賢而父  
老之傳聞久而漸湮但能舉其大意謂豈弟豈弟云  
爾耶至於川嶽之靈名賢輩出若叟敬房彥謙父子  
之偉伐百餘年寧詎無其勲階周珍劉廷式之亮節  
百餘年寧詎無其獨行員半千李格非之詞華百餘  
年寧詎無其文學洪漢張茂蘭之孤潔百餘年寧詎  
無其清操以至申記兒之幽貞郭志空之霞舉百餘  
年寧詎無其高風及今不志年遠事忘並其姓字而  
訛之不謂杞無徵而曰檜無譏厥後雖有董狐其何

賴焉我公蒞政亦七載於茲矣考其爲政之大端若  
祿米臨折則詳請併徵分解數百年包攬苛索之積  
弊祛也里馬潤布則捐資構備千萬姓剝肉醫瘡之  
痛楚蘇也他如收漕臨德清里胥勒索之弊訟到卽  
緝絕衙門打點之私編審人丁毫無派擾勤宣講約  
不憚驅馳懲惡扶良興利除害廉能之譽口以爲碑  
嗟嗟吾邑夙號繁劇空擅膺名我公刻意求治任事  
以來寧瘠已而肥民庭有懸魚風清兩袖其堂皇圖  
維造福於吾鄉者不一而足以云善政善教兼克有  
焉乃尤能於倥偬聽事之餘吮毫擗管援古証今成

章邛縣志

卷首 舊序

十一

此邑志孜孜矻矻之懷不於此已見一斑耶吾邑何  
幸而得公之賢才整頓剔釐若是也獨是舊志於章  
邛援爾雅上正頂平之義而辨章亥爲二人可謂晰  
矣然以獮河爲武陽之溧將無失察於水經以鬻堂  
爲般陽之鬻未免因陋於齊乘以龍洞屬之歷城而  
不知章邛自有龍洞以長白入之鄒平而不知章邛  
自有長白如是乎邑志之役蓋集思廣益甚不可苟  
焉而已也向讀我公著作九疑辨說與書帶諸咏知  
其考據精核咨詢廣博會見陽邛續志一出而鄭來  
溘馬端臨諸君子且不得專美於前矣

李滋邑人

縣志一書取一邑之人文闡而揚之筆而載之似於人心無與亦於風化無與乃觀者與聞者憤而人心感而風化成則志之關於人心風化不淺鮮矣陽耶舊亦有志但自萬歷丙申以至於今九十餘年之內其人文豈無一二可以闡揚筆載足令人興憤者而竟湮沒也是以禱於重修者幸我邑侯鍾公來莅茲土橫者鋤之暴者抑之法之多弊者革之事之有利者興之其調停稅務也百姓不見徵會而大猾無所用其奸其理繁劇也朝而入牘未日中剖焉若劍之

章邱縣志

卷首 舊序

七

揮空而良庖之割也士之執舉子業者盈庭公摘瑕指瑜無不心折且冰霜凜凜勿一毫染雖在義所應受者亦一切謝絕修行實政其大者如興學均徭捐里派除溢額抵荒糧皆王政首事也七年丙公之視躬如一日而百姓之戴公也如大有歲以故政簡刑簡公優游琴鶴之暇仰體 聖天子纂修一統志意慨然曰欲廣聲教必立型表其非重修縣志不可爰刊文廣蒐陽耶遺蹟而陽耶之人文因得畢呈於前公因事評品分卷別類或記其德業或記其政績或載其文詞或傳其才華某也景之於忠臣某也序之

才孝子某也入之於烈士某也編之於貞婦不數月而編輯成書捐俸付之剞劂焉嗟嗟陽耶劇地也簿書錢穀百冗紛靡能從容治辦俾民咸蒙其澤斯已古大賢之所難况又志存文獻光顯潛德令死者復生者寵榮是非優於才而充於學情愆於人心風化者固不能且不暇也史稱古有目覽詞訟手答箋書耳行聽受口並酬應不相參涉皆悉贍舉者邑侯有焉用是敘

張萬青 邑令

萬青幼隨家大人官於青齊往來瀟江長白間雅愛其山川之勝風俗之茂時耿耿結諸夢想乙丑成進士奉 命作令山東得追尋趨庭舊跡欣喜之餘棟

章邱縣志

卷首 舊序

七

仄交集若弗克荷有忝家訓其何以事事旋投瘠土移任蓬萊迎養家大人於官署北堂春承常沐提攜六七年中幸免僇逆幸未復蒙題詞章耶離家大人舊治淄川柝聲相接山翠嵐光若隱若見而向之所謂長白瀟江者胥環抱滌洞於几席之近家大人曰吾不圖遊蹤之重至於斯也迺取邑志微之以供杖屐臥遊之具家大人詔萬青曰是書也不修且七十餘年矣爾將視爲具文也乎邑志之設自宋元以

金鍾富 楊備慎 宋永魁 遼有仁 李趙玉

位克生 韓克讓 韓思義 王敬倫 王安儒

李際太 張永臻 黃登甲 王天誠 耿復生

王其生 張鳳岡 陳 莒 劉道章 高 芬

高立身 高亞玉 澳 郭丹桂 郭月桂

趙 瀛 馬 洞 馬 浩 郭廷楫 謝 宣

劉克敬 郭天禎 郭天禎 郭天禎 郭天禎

高 潭 趙 元 袁 培 李思薦 王恒振

李思夔 馬登盛 王士魁 王士玉 靖懷治

李培基 韓春進 劉宗向 李明絃 孫 強

章邱縣志 卷首 修城姓氏 三

牛成緒 魯 經 牛 祿 張 昇 高元楨

牛成德 趙承先 崔恒昌 張 燦 李廷猷

趙大成 袁志恕 袁 洲 焦懷奇 焦懷年

李聖德 索希武 張克儉 任祥生 劉大瑞

曹彥文 楊廣岸 李 連 齊 瑄 張廷錫

李道興 袁會若 焦更盛 焦鵬翰 董則昇

王言絲 董 耀 李中魁 刁可才 韓百起

賈公倫 曹世福 王立本 王曰幹 王漢圖

高 岸 辛世臣 王進敷 辛國柱 組起章

劉 珩 宋秀卿 王開禎 王世貞 劉文生

胡增聰 高宗佩 郭希堯 胡進職 胡之璠

李克勤 溫來儀 丁 瑗 李可立 徐得榮

苑有瑞 李鵬聲 孟 阜 苑 鈔 孟洪道

鞏 森 劉 珉 崔 琦 張 桐 宋在中

鞏光熹 王文昇 王鍾喆 周 才 王文子

牛世銘 張克生 張天瑞 李 浩 牛秉許

牛 龍 沈志洪 高文學 李振遠 王文源

董日義 徐文進 董勳臣 張純進 聶世績

王文輝 于泮水 李克湍 齊正子 崔昌賢

王養純 侯繼德 曹逢會 侯魁公 于祥福

章邱縣志 卷首 修城姓氏 三

鄭于文 李 遜 李玉恒 董 芷 王子厚

翟寶山 高登嶽 張思恭 柏必進 張興俊

李 茂 劉安常 陳 瑄 蘇 賓 張斐然

翟 位 王繼富 逯 棋 揚士權 李名揚

潘子連 李廷睿 劉山宗 鄭貫一 王 贊


張永實 劉茂旺 張 足 陳 淳 宋可均

柏景泌 韓學禮 杜天瑞 趙 鵬 韓 鎮

王師文 李振清 康士吉 郝凝祉 郝廷禮

高 識 袁志忠 劉 璋 王 洵 郭茂俊

康立統 康士珩 郭朝臣 陳玉瑞 徐雲法




章邱縣志

卷首 疆域圖

三

濟水黃河百脈諸水未有遷徙潔水較流東魏衛國諸城及齊隋諸城具詳古蹟考



# 唐宋疆域圖考

章邱縣志

卷首 疆域圖

唐全節平宋標杆鎮圖考



唐章邱縣醴泉寺在齋堂嶺北唐中宗勅賜寺名宋  
 范文正公嘗讀書於此今入鄒平  
 宋以章邱置清平軍設官五十餘年復廢併縣  
 黃河自宋慶歷八年河決商胡而章邱西北界內黃  
 河道廢  
 宋熙寧間黃河挾濟水入深渠決道自濟陽至濱州  
 時行深渠時行決道時行舊道入海  
 唐宋謂濟水爲北清河

章邱縣志

卷首 疆域圖

四



金元明疆  
 域圖考

章邱縣志

卷首 疆域圖



五

金 延安臨濟明 元明 章  
 水 普集四鎮 邱 圖考



章耶縣志

卷首 縣治圖



章耶縣志

卷首 學宮圖

九

# 學宮圖

南氏星圖虛危之間為青州府危中間為濟南登州  
萊州三府危室之間為東昌府

按二說入度不同者歷代測度各據建都之地  
測之也淮南子及漢書載危赤道十七度黃道  
十六度下至唐皆用之宋危赤道十六度黃道  
十六度零分二元明危赤道十五度十分黃道  
十六度零分三熊鍾秀據乾隆庚辰量天尺赤  
道危二十度七政時憲書黃道危二十度七分  
古危一度當今危六度古危四度當今危九度  
章邛在禹貢屬青州在魏晉為東朝陽屬樂安

章邛縣志

卷一 星野志

二

國而近於濟南考其分野當在八度九度之間  
又按前漢書紀齊分野南有泰山城陽西有濟  
南平原與一行說略同則或以章邛不專屬齊  
分者謬矣

危宿附近諸星

危三星赤南星去極九十六度北星入虛六度半下  
九尺為日月五星中道 人星五星黑今四星在  
危北入虛宿六度半 杵三星黑今一星在人星  
東 白四星黑今三星在人星東杵下 車府七  
星黑在天津東近河 造父五星黑在天鈞南騰

此北 騰蛇二十二星赤在造父東河中 土公  
吏二星黑今一星在危東北 蓋屋二星暗在危  
南 墳墓四星赤在危下 虛梁四星黃在墳墓  
東南 天錢十星黃今四星在虛梁西南 天綱  
一星赤在天錢東南 北落師門一星赤在天綱  
東 哭二星黑在虛南古虛今危 泣二星黑在  
虛東古虛今危 壘壁陣十二星赤在室壁南古  
室今危 羽林軍四十五星赤今二十三星在壘  
壁南 鈇鉞三星黃在羽林南

北極出地

章邛縣志

卷一 星野志

三

據高厚蒙求京師北極出地四十度正度中線山東  
濟南府北極出地三十六度四十五分偏東一度  
十五分又按經緯地輿圖章邛距府南北九分東  
西二十四分今法每度六十分在地二百五十里  
南行二百五十里則北極低一度北行二百五十  
里則北極高一度計章邛北極出地三十六度五  
十四分偏東一度三十九分北距京師三度六分  
凡日出之早晚節氣之遲速胥由此定焉

中星

堯典中星至月令而殊至冬而又殊推其所自由於